

Нег фермд 54 өрк-бүл хальмгуд ирв

Эн джил Яшкульск района „Лиманный“ совхозин хойрдгч фермд 54 бүл хальмгуд нүүдж ирсн бääнэ. Ирсн хальмгудиг совхозин дирекц сäänэр тослгъ бүрдэггяд, ирсн өдртнь гилтэ бääх бääринь олдж өггяд, көдлмш кех зөвтэггинь цугтнь көдлмшяр тетгдж. Эднэс 24 кун хөбчир, 6—үкрчир болдж, 10 кун шавр кирпич цокдгт, 8 кун гермуд бярлггнд, механизацд 12 кун, управляющ, завхоз, малин эмч, нань чигн олн зүсн көдлмшт хальмгуд көдлджэцхэнэ.

Шавр кирпич цокдг бригадиг Болдырев Нääмн гарддж

көдлджэнэ. Эн бригад өдр болггн 1600—1700 кирпич цокна, ода деерэн 30 минггн кирпич цоккксн бääнэ.

Совхозин дирекц сельхоз-банкас ссуд авад, эн ссудар хальмгудт 12 стандартн гермуд бярджэнэ, энүнэс талдан кесг улс бийснь эврәннь чидлärн гермуд бас бярджэцхэнэ.

Кесг хальмг өрк-бүл совхозасн саадг үкрмуд хулдж авцхав. Үкр угаднь совхоз өдр болггн үс, тос хулдна.

Эн совхоз хальмгуд бääх 30 стандартн гер эн джил бярдж дуусхмн.

САНЪГЪДЖИН Д.